



Assalamualaikum wbt dan Salam Sejahtera,

YB Menteri/ YB Timbalan Menteri /YBhg. Datuk Dr./ YBhg. Datuk /YBhg. Dato’/YBrs. Dr./Tuan/Puan

2. Sukacita disertakan laporan pemantauan akhbar dan berita berkaitan dengan kementerian ini bertarikh 09 Mei 2023 (Selasa) untuk makluman dan perhatian sewajarnya.

Disediakan oleh,
Unit Komunikasi Korporat
Kementerian Pembangunan Wanita, Keluarga dan Masyarakat

BIL	PERKARA	SUMBER
1	Kanak-Kanak Melecur Disambar Api Meninggal Dunia https://www.kosmo.com.my/2023/05/08/kanak-kanak-melecur-disambar-api-meninggal-dunia/	Kosmo
2	Polis Buru Warga Asing Cuba Rogol Kanak-Kanak https://www.freemalaysiatoday.com/category/bahasa/tempatan/2023/05/08/polis-buru-warga-asing-cuba-rogol-kanak-kanak/ https://www.utusanborneo.com.my/2023/05/08/polis-buru-suspek-kes-cabul-kanak-kanak-empat-tahun	FMT Utusan Boreno
3	Polis Tahan Pembantu Jurulatih Selam Cium Pelancong Wanita https://www.kosmo.com.my/2023/05/08/polis-tahan-pembantu-jurulatih-selam-cium-pelancong-wanita/	Kosmo

4	<p>Wanita Maut Disyaki Dipukul Abang Kandung</p> <p>https://www.sinarharian.com.my/article/257519/berita/semasa/wanita-maut-disyaki-dipukul-abang-kandung</p> <p>https://www.bharian.com.my/berita/kes/2023/05/1098696/wanita-maut-disyaki-dipukul-abang-kandung-ketika-bergaduh</p> <p>https://sabahmedia.com/2023/05/08/wanita-maut-dipukul-abang-kandung/</p>	<p>Sinar Harian</p> <p>Berita Harian</p> <p>Sabah Media</p>
5	<p>Pencabul Diberkas Peluk Wanita Tengah Jalan</p> <p>https://www.kosmo.com.my/2023/05/08/pencabul-diberkas-peluk-wanita-tengah-jalan/</p> <p>https://malaysiagazette.com/2023/05/08/lelaki-disyaki-cabul-wanita-di-sea-park-ditahan-polis/</p> <p>https://www.buletintv3.my/jenayah/lelaki-disyaki-cabul-wanita-direman-4-hari/</p>	<p>Kosmo</p> <p>Malaysia Gazette</p> <p>Buletin TV3</p>
6	<p>Ibu Tunggal Harap Program Jualan Murah Diteruskan, Bantu Ringan Belanja</p> <p>https://selangorkini.my/2023/05/ibu-tunggal-harap-program-jualan-murah-diteruskan-bantu-ringan-belanja/</p>	<p>Selangor Kini</p>
7	<p>Korban Kerjaya Untuk Santuni Warga Emas [METROTV]</p> <p>https://www.hmetro.com.my/utama/2023/05/964696/korban-kerjaya-untuk-santuni-warga-emas-metrotv</p> <p>https://headtopics.com/my/korban-kerjaya-untuk-santuni-warga-emas-harian-metro-38892900</p>	<p>Harian Metro</p> <p>Head Topics</p>
8	<p>Warga Emas Terbabit Kebakaran, Akhirnya Menghembuskan Nafas Terakhir</p> <p>https://www.buletintv3.my/nasional/warga-emas-terbabit-kebakaran-akhirnya-menghembuskan-nafas-terakhir-1111/</p>	<p>Buletin TV3</p>
9	<p>Bumbung Rumah Warga Emas Di Limbang Tercabut Dibadai Rebut</p>	

	https://tvstv.my/2023/05/08/bumbung-rumah-warga-emas-di-limbang-tercabut-dibadai-ribut/	TVSTV
10	<p>20 Mahasiswa OKU Tempatan Terima Sumbangan Akaun Simpan SSPN</p> <p>https://newsway.com/article/20-mahasiswa-oku-tempatan-terima-sumbangan-akaun-simpan-ssp-A2305_67dJFA</p> <p>https://www.thesundaily.my/cerita/20-mahasiswa-oku-tempatan-terima-sumbangan-akaun-simpan-ssp-HM10947541?utm_source=Newsway&utm_medium=Website</p> <p>https://bernama.com/bm/news.php?id=2187137</p>	<p>News Wav</p> <p>The Sun Daily</p> <p>Bernamea</p>

KANAK-KANAK MELECUR DISAMBAR API MENINGGAL DUNIA

<https://www.kosmo.com.my/2023/05/08/kanak-kanak-melecur-disambar-api-meninggal-dunia/>

Sumber : Kosmo



PENDANG – Kanak-kanak perempuan berusia empat tahun yang melecur sebahagian badan dipercayai akibat disambar api pelita minyak tanah ketika bermain mercun mancis dan bunga api pada 11 April lalu meninggal dunia, Jumaat lepas.

Mangsa, Nur Zatil Hidayah Mohd. Tarmizi, 4, menghembuskan nafas terakhir ketika dirawat di Hospital Sultanah Bahiyah (HSB), Alor Setar, dekat sini kira-kira pukul 7 malam.

Nur Zatil melecur kira-kira 46 peratus pada anggota badan akibat insiden yang berlaku di tepi rumahnya di Kampung Senara, Kubur Panjang, di sini.

Ibu mangsa, Siti Aisyah Hasan, 33, berkata, anak perempuannya meninggal dunia selepas kesihatannya kembali merosot setelah dua hari sedar dan boleh makan seperti biasa. – KOSMO! ONLINE

POLIS BURU WARGA ASING CUBA ROGOL KANAK-KANAK

<https://www.freemalaysiatoday.com/category/bahasa/tempatan/2023/05/08/polis-buru-warga-asing-cuba-rogol-kanak-kanak/>

Sumber : Free Malaysia Today



PETALING JAYA: Polis memburu seorang lelaki warganegara asing kerana disyaki mencabul seorang kanak-kanak perempuan berumur empat tahun, di Telupid, Beluran.

Ketua Polis Beluran, Kasim Muda, berkata pihaknya menerima laporan mengenai kejadian itu daripada ibu mangsa.

Katanya, ibu mangsa melaporkan dia melihat suspek berumur 40 tahun itu cuba merogol anaknya di belakang sebuah kedai.

“Dalam laporannya, pengadu sedang mencari anak, melihat suspek membawa mangsa ke kawasan belakang kedai.

“Bagaimanapun, suspek dilihat segera menutup zip seluarnya dan beredar dari lokasi selepas menyedari kehadiran ibu mangsa,” katanya menurut Utusan Borneo.

Menurutnya, siasatan awal mendapati suspek adalah jiran pengadu dan kerap melihat lelaki itu bermain dengan anaknya.

“Kanak-kanak terbabit dibawa ke Hospital Duchess Of Kent, Sandakan untuk pemeriksaan lanjut,” katanya.

“Kes disiasat mengikut Seksyen 14 (a) Akta Kesalahan-Kesalahan Seksual Terhadap Kanak-Kanak 2017,” katanya.

POLIS TAHAN PEMBANTU JURULATIH SELAM CIUM PELANCONG WANITA

<https://www.kosmo.com.my/2023/05/08/polis-tahan-pembantu-jurulatih-selam-cium-pelancong-wanita/>

Sumber : Kosmo



SEMPORNA – Seorang pelancong wanita warga China mendakwa dicabul ketika melakukan aktiviti selaman di perairan sebuah pulau peranginan Jumaat lalu.

Mangsa berusia 25 tahun berkenaan mendakwa dicium oleh seorang pembantu jurulatih selam ketika membantunya melakukan aktiviti selaman.

Pemangku Ketua Polis Daerah Semporna, Asisten Superintenden Arif Abdul Razak berkata, pihaknya menerima laporan mengenai kejadian itu pada Sabtu lalu sekitar pukul 10.03 pagi.

“Laporan dibuat ketika mangsa mahu bergerak ke Lapangan Terbang Tawau untuk berlepas ke Kuala Lumpur sebelum balik ke negara asal.

“Mangsa mendakwa dicium oleh seorang lelaki tempatan berusia 27 tahun yang merupakan pembantu jurulatih selam separuh masa di sebuah pusat selaman di Semporna.

“Susulan laporan itu, polis bertindak membuat tangkapan ke atas suspek terbabit di sebuah penginapan atas air kira-kira pukul 12.50 tengah malam, semalam,” katanya dalam kenyataan di sini hari ini.

Arif berkata, kes disiasat mengikut Seksyen 354 Kanun Keseksaan dan suspek direman sehingga 11 Mei depan untuk siasatan lanjut.

Terdahulu, tular sekeping gambar di media sosial yang memaparkan mangsa dicitum oleh suspek ketika melakukan aktiviti selaman. – KOSMO! ONLINE

WANITA MAUT DISYAKI DIPUKUL ABANG KANDUNG

<https://www.sinarharian.com.my/article/257519/berita/semasa/wanita-maut-disyaki-dipukul-abang-kandung>

Sumber : Sinar Harian



KOTA KINABALU - Seorang wanita maut selepas bertarung nyawa selama dua hari disyaki akibat dipukul abang kandungnya sendiri dalam kejadian di kediaman mereka di Jalan Signal Hill di sini, pada Khamis lalu.

Mangsa yang berusia 25 tahun itu disahkan meninggal dunia di Hospital Queen Elizabeth II (HQEII) pada malam Sabtu.

Difahamkan, ketika kejadian mangsa ditemui kira-kira jam 4.30 petang oleh ayahnya dalam keadaan tertiarap dan tidak sedarkan diri dengan kesan luka yang teruk serta berdarah.

Timbalan Ketua Polis Daerah Kota Kinabalu, Superintenden Kalsom Idris berkata, susulan kejadian itu polis menahan seorang lelaki berusia 26 tahun iaitu abang kepada mangsa.

Katanya, hasil siasatan awal mendapati kejadian itu dipercayai dilakukan oleh abang mangsa kerana mengikut keterangan daripada keluarga, ketika kejadian hanya mangsa bersama abangnya berada di rumah.

"Kejadian dipercayai berpunca daripada pergaduhan antara dua beradik terbabit kerana mangsa dan suspek sering bergaduh di rumah mereka.

"Namun motif kejadian pergaduhan itu belum dapat dipastikan dan siasatan lanjut sedang dijalankan," katanya ketika dihubungi, pada Isnin.

Kalsom berkata, tiada senjata yang ditemui di tempat kejadian namun polis merampas dua bentuk cincin yang dipakai suspek.

"Mangsa yang menerima rawatan akibat parah di HQE II disahkan meninggal dunia jam 10.30 malam Sabtu lalu.

"Suspek kini direman dan ujian air kencing mendapati suspek negatif daripada dadah," katanya.

Katanya lagi, kes disiasat mengikut Seksyen 302 Kanun Keseksaan kerana membunuh.

PENCABUL DIBERKAS PELUK WANITA TENGAH JALAN

<https://www.kosmo.com.my/2023/05/08/pencabul-diberkas-peluk-wanita-tengah-jalan/>

Sumber : Kosmo



PETALING JAYA -Seorang lelaki diberkas sepasukan polis selepas disyaki mencabul seorang wanita yang sedang berjalan di Sea Park, di sini, Jumaat lalu.

Ketua Polis Daerah Petaling Jaya, Asisten Komisioner Mohamad Fakhruddin Abdul Hamid berkata, suspek ditahan pada pukul 10.15 malam di Ara Damansara, di sini.

“Hasil siasatan mendapati suspek dikehendaki polis bersabit dua kes iaitu di Wangsa Maju dan Kelana Jaya,” katanya dalam kenyataan hari ini.

Tambah Mohamad Fakhruddin, suspek ditahan reman selama empat hari bermula kelmarin sehingga esok bagi membantu siasatan.

“Orang ramai yang mempunyai sebarang maklumat berkenaan kejadian ini boleh menghubungi Balai Polis berhampiran atau Bilik Gerakan IPD Petaling Jaya di talian 03-79662222,” katanya.

Rabu lalu, media melaporkan polis menerima laporan daripada seorang wanita berusia lingkungan 20 tahun mendakwa dicabul oleh seorang lelaki pada pukul 7.09 malam.

Suspek bertindak memeluk mangsa dari arah belakang dengan berpakaian dan bertopi warna hitam serta memakai pelitup muka sebelum melarikan diri. -KOSMO! ONLINE.

IBU TUNGGAL HARAP PROGRAM JUALAN MURAH DITERUSKAN, BANTU RINGAN BELANJA

<https://selangorkini.my/2023/05/ibu-tunggal-harap-program-jualan-murah-diteruskan-bantu-ringan-belanja/>

Sumber : Selangor Kini



SELAYANG, 8 MEI: Seorang ibu tunggal berharap program Jelajah Ehsan Rakyat (JER) yang menjual barangan keperluan asas pada harga murah diteruskan pada masa akan datang bagi meringankan beban rakyat.

Syarifah Suparman, 47, berkata jualan murah ini dapat membantu menjimatkan perbelanjaan keluarganya berikutan masih perlu menyara pelajaran anak di kolej.

“Pendapatan saya hanya cukup-cukup makan, perlu menyara dua anak, seorang belajar di kolej, belanjanya bukan sedikit. Jualan JER ini sangat membantu meringankan beban kewangan kami.

“Selain ibu tunggal seperti saya, ramai lagi jiran-jiran yang bukan orang senang, ada yang asnaf.. jadi, kami sangat berharap agar JER ini diteruskan,” kata penjual pakaian terpakai itu ketika ditemui.

Manakala suri rumah, Emi Darma Nasarudin, 54 memberitahu dia dapat berjimat lebih tiga kali ganda dengan harga ditawarkan di program anjuran Perbadanan Kemajuan Pertanian Selangor (PKPS) itu.

“Jika beli di tempat lain, perbelanjaan untuk seminggu mencecah RM200 berbanding hanya RM50 hingga RM60 saja kalau beli di sini.

“Saya puas hati dengan harga ditawarkan, JER ini dapat bantu keluarga kurang kemampuan seperti saya, memang patut program ini diteruskan,” katanya lagi.

Seorang pesara, Hadi Mamat Abdullah, 78 berpendapat program ini antara inisiatif Kerajaan Negeri yang paling baik dan berkesan.

“Program ini membantu kami (penduduk) dapatkan barang murah dan penganjuran juga dekat dengan rumah. Setakat ini, inisiatif jualan murah ini yang paling bagus dan berkesan,” katanya yang sudah 15 kali datang ke JER.

Terdahulu, lebih 400 ekor ayam habis dijual dalam tempoh sejam pada program JER peringkat Dewan Undangan Negeri (DUN) Sungai Tua di tapak pasar malam Selayang Baru di sini pagi tadi.

Pada 17 April lalu Ketua Pegawai Eksekutif PKPS, Dr Mohamad Khairil Mohamad Razi berkata JER mungkin disambung kerana beliau percaya Kerajaan Negeri tidak akan menghentikan program itu begitu sahaja.

Menurutnya, beliau percaya Dato’ Menteri Besar Dato’ Seri Amirudin Shari akan meminta supaya JER dilanjut sekurang-kurangnya sehingga Julai atau Ogos ini.

KORBAN KERJAYA UNTUK SANTUNI WARGA EMAS [METROTV]

<https://www.hmetro.com.my/utama/2023/05/964696/korban-kerjaya-untuk-santuni-warga-emas-metrotv>

Sumber : Harian Metro



Ampang Jaya: "Saya percaya, tak semua orang terpilih dan dapat peluang kerja macam ini, maknanya, Allah sudah atur cantik rezeki saya di situ," kata Najwa Natasya Mat Ramli.

Najwa Natasya, 22, sebelum ini bekerja sebagai kerani di sebuah kilang namun kini, gadis itu beralih arah dengan mencari rezeki sebagai penjaga penghuni warga emas di Pusat Jagaan Nurul Jannah, di sini.

Sejak itu, masa Najwa Natasya banyak dihabiskan bersama dengan warga emas yang dihantar waris mereka ke situ dan melayani mereka seperti ibu dan bapa kandung sendiri.

Najwa Natasya berkata, dia pernah bekerja di pusat jagaan itu sebelum ini namun secara sambilan selama setahun iaitu sejak 2018 hingga 2019 sebelum menjadi kerani tetapi kembali bertugas selepas ditawarkan jawatan tetap.

Menurut Najwa Natasya, pengalaman lalu itu membantunya memahami skop kerjanya yang menuntut kekuatan fizikal dan mental.

"Sebelum terima tawaran kerja, saya tanya pandangan emak dan ayah dulu untuk minta restu mereka.

"Alhamdulillah, mereka okay saja dan sokong kerana saya ada pengalaman kerja sambilan sebelum ini dengan syarat pekerjaan itu halal.

"Bagaimanapun, ada segelintir rakan tak sokong dan kurang yakin sama ada saya boleh hadap beban kerja itu kerana tahu bukan mudah. Akan tetapi, saya teruskan juga kerana yakin dengan kemampuan diri," katanya ketika dihubungi Harian Metro.

Menceritakan cabarannya, Najwa Natasya berkata, dia seorang bertubuh kecil jadi agak sukar mengangkat penghuni terutama yang terlantar.

"Badan saya kecil, berat pula cuma 40 kilogram (kg) saja jadi cabaran utamanya adalah mengangkat penghuni misalnya nenek yang terbaring dan tak boleh berjalan untuk mandikannya.

"Itu cabaran utamanya kerana apabila dia keraskan badan maka beban bertambah namun kesukaran hanya dirasai pada awal dulu saja.

"Lama kelamaan, saya sudah lali kerana ada ketika dapat bantuan daripada kakitangan lain cuma kebanyakan masa perlu angkat penghuni berseorangan.

"Jujurnya, memang tak mudah kerana perlu pegang mereka betul-betul kerana ada yang agresif jadi perlu kendalikan dengan baik bagi mengelak ditendang," katanya.

Berkongsi lagi pengalaman, Najwa Natasya berkata, terlalu banyak kenangan yang tidak dapat dilupakan sepanjang bekerja sebagai penjaga di pusat jagaan.

"Ada satu hari, saya nak uruskan seorang penghuni dan entah macam mana, dia bertindak melempar najisnya tepat ke muka saja.

"Mengenangkan dia warga emas, saya hanya gelak saja kerana tahu jika marah, mereka akan jerit semula kepada saya.

"Paling saya takutkan adalah jika tertengking mereka dan itu yang cuba saya elakkan kerana tahu hati orang tua sangat sensitif.

"Apa yang saya boleh buat adalah bersabar dan setiap hari, saya doa kepada Allah untuk beri kekuatan bagi menjaga penghuni di situ supaya tugas harian saya berjalan lancar kerana niat cuma nak cari rezeki," katanya.

Najwa Natasya berkata, kepuasannya adalah apabila dapat membantu menjaga penghuni yang mempunyai 'bedsore' (luka) di belakang badan hingga luka mereka sembuh.

"Bagaimanapun, pernah juga timbul sedih apabila penghuni dijaga setiap hari meninggal dunia dan ada satu ketika, saya berasa ralat sangat tidak dapat ada dengannya pada akhir hayat,"katanya.

Menurut Najwa Natasya, sasarannya adalah untuk bekerja di situ selama tiga tahun saja sebelum mencari peluang lain yang lebih baik.

"Saya ada mengikuti kursus penjagaan dan jika ada rezeki nanti, saya mahu menjaga individu perseorangan dalam kalangan orang kenamaan (VIP) pula.

"Moga ada rezeki saya di kemudian hari dan berhubung perkongsian di TikTok pula, saya tak sangka video dimuat naik dapat perhatian ramai.

"Ia kerana saya cuma kongsi pengalaman dan tak sangka video itu boleh jadi tular," katanya.

WARGA EMAS TERBABIT KEBAKARAN, AKHIRNYA MENGHEMBUSKAN NAFAS TERAKHIR

<https://www.buletintv3.my/nasional/warga-emas-terbabit-kebakaran-akhirnya-menghembuskan-nafas-terakhir-1111/>

Sumber : Buletin TV3



ARAU: Wanita warga emas, Munah Mat Suboh, 90, yang melecur pada bahagian badan dan muka akibat kebakaran di rumahnya di Kampung Utan Arau, disini, pagi semalam, meninggal dunia awal pagi tadi.

Perkara itu disahkan anak mangsa, Salim Chin, 51, kepada Buletin TV3.

“Mak dah tak ada (meninggal) pukul 1 pagi tadi di Hospital Tuanku Fauziah, sekarang (9 pagi) masih berada di hospital lagi.

“Kami akan bawa balik jenazah untuk dikebumikan di Kampung Batu Bertangkup,” katanya ketika dihubungi.

Menurut Salim, dia turut mengalami kecederaan di telapak tangan ketika menyelamatkan ibunya yang masih terperangkap di dalam rumah sewaktu kebakaran berlaku.

“Mak dah dua tahun terlantar tak boleh bangun akibat sakit tua, masa api tengah marak tu saya berlari pi cempung (angkat) mak bawa keluar... Tangan saya melecur sikit tapi tak apa alhamdulillah saya dapat menyelamatkan mak masa tu.

Dalam kejadian kira-kira 8.45 pagi itu, Munah Mat Suboh, melecur disambar api akibat kebakaran yang berlaku di ruang tamu rumahnya.

BUMBUNG RUMAH WARGA EMAS DI LIMBANG TERCABUT DIBADAI REBUT

<https://tvstv.my/2023/05/08/bumbung-rumah-warga-emas-di-limbang-tercabut-dibadai-ribut/>

Sumber : TVSTV



LIMBANG, 8 Mei: Seorang warga emas masih tidak dapat menahan kesedihan apabila bumbung rumahnya diterbangkan angin kuat akibat ribut di Kampung Kelapa Mawar di sini, yang berlaku Sabtu lalu.

Kejadian kira-kira jam 4 petang itu mengakibatkan bumbung depan rumah mangsa Teyea Salleh, 65, tercabut akibat dibadai angin kuat.

Pegawai Pertahanan Awam Daerah Limbang, Leftenan (PA) Mirwan Shah Masri berkata, susulan kejadian itu satu laporan diterima pihaknya hari ini.

Katanya, sepasukan anggotanya terdiri empat anggota lain-lain pangkat diketuai oleh Koperal (PA) Mohd Arif Midun bergegas ke lokasi kejadian sebaik menerima panggilan jam 8.30 pagi.



Anggota APM Limbang ketika meninjau kerosakan atap di Kampung Kelapa Mawar. Foto: APM Limbang.

“Rumah yang dihuni warga emas wanita bersama anaknya itu mengalami kerosakan selepas atap di bahagian depan rumah mangsa tercabut dan diterbangkan angin kuat dan hujan lebat Sabtu lepas,” katanya dalam kenyataan kepada media hari ini.

Kata Mirwan, pihaknya turut membuat tinjauan dan mengambil maklumat mangsa untuk tindakan selanjutnya berhubung kejadian itu.

Kejadian atap terbang susulan angin kuat dan ribut itu turut dikongsi pengguna laman sosial Facebook di Limbang.

Kejadian yang berlaku sekelip mata hanya melibatkan kerosakan rumah dan tidak melibatkan sebarang kecederaan. – TVS

20 MAHASISWA OKU TEMPATAN TERIMA SUMBANGAN AKAUN SIMPAN SSPN

https://newsway.com/article/20-mahasiswa-oku-tempatan-terima-sumbangan-akaun-simpan-ssp-n-A2305_67dJFA

Sumber : Newsway



KUALA LUMPUR: Seramai 20 pelajar kategori Orang Kurang Upaya (OKU) daripada institut pengajian tinggi (IPT) tempatan menerima sumbangan keseluruhan berjumlah RM10,000 daripada Perbadangan Tabung Pendidikan Tinggi Nasional (PTPTN).

Timbalan Menteri Pendidikan Tinggi Datuk Mohammad Yusof Apdal berkata sumbangan itu diberikan dalam bentuk deposit akaun Simpan Skim Simpanan Pendidikan Tinggi Nasional (Simpan SSPN) Prime kepada masing-masing 10 mahasiswa dari Universiti Islam Antarabangsa Malaysia (UIAM) dan Universiti Malaya (UM).

“Usaha PTPTN ini sewajarnya dicontohi oleh agensi lain dengan menjadikan Simpan SSPN sebagai pilihan utama untuk pemberian sumbangan dalam memartabatkan pendidikan tinggi negara.

Ia sekali gus akan membantu meningkatkan kesedaran budaya menabung bagi tujuan pendidikan tinggi. Saya mengalu-alukan semua pihak untuk meneroka pelbagai bentuk kerjasama yang lebih bersepadu bersama PTPTN bagi kepentingan negara,” katanya.

Beliau berkata demikian ketika berucap pada Majlis Mesra Bersama Pelanggan 2023 PTPTN yang turut dihadiri oleh Ketua Pegawai Eksekutif perbadanan itu Ahmad Dasuki Abdul Majid.

Terdahulu, Ahmad Dasuki dalam ucapan aluannya berkata sumbangan kepada UIAM dan UM merupakan salah satu bentuk kerjasama strategik dalam aspek pendidikan memandangkan kedua-kedua IPT tersebut telah menandatangani memorandum persefahaman dengan PTPTN.

“Di sebalik tanggungjawab PTPTN dalam memperkasa agenda pendidikan tinggi negara, PTPTN juga sentiasa cakna dan prihatin dalam menyalurkan sumbangan kepada golongan kurang berkemampuan melalui program Tanggungjawab Sosial Korporat (CSR),” katanya.

Sementara itu, pelajar OKU pendengaran Muhd Ammeer Badrul Hisham, 19, berkata inisiatif PTPTN itu amat bagus kerana ia membantu beliau dan mahasiswa istimewa yang lain membina masa depan yang cerah.

Pelajar Asasi Undang-Undang dari UIAM itu berkata ibu bapanya juga menggalakkan beliau untuk menabung ke dalam akaun Simpan SSPN memandangkan kebanyakan pelajar terpaksa menanggung hutang selepas tamat pengajian.

Siti Nur Mardhiyyah Zulkfli, 20, pula berkata program CSR oleh PTPTN itu prihatin terhadap golongan mahasiswa sepertinya yang memerlukan lebih wang untuk membeli barang keperluan khas mereka.

Beliau yang merupakan pelajar OKU fizikal turut menggalakkan orang ramai untuk membuka akaun Simpan SSPN supaya dapat menerima banyak manfaat pada masa sekarang mahupun pada masa hadapan.

“Macam saya, bantuan ini dapat bantu saya sebab saya mungkin perlu membeli keperluan saya sendiri sebagai pelajar istimewa contohnya ubatan dan keperluan khas yang lain,” katanya.

Selain itu, PTPTN kini sedang menganjurkan Kempen Cabutan WOW! Syoknya Raya untuk pendeposit Simpan SSPN bermula 1 Mac hingga 31 Mei ini dengan menawarkan hadiah wang tunai keseluruhan berjumlah hampir RM50,000 kepada 23 pemenang. -*Bernama*